



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap. IV. Ex scriptis S. Dionysii Areopagitæ & aliorum.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

Facula  
Hæreti-  
corum. tum accepit, reclinans se in lectulo,  
emissu spirituum.

## CAPUT IV.

Ex scriptis S. Dionysii Areopagita,  
& aliorum.

1. S. Dionysius describit caerimonias sacras  
à beati Apostoli traditas;
2. Ritus item solennes Sacrificii altari, seu  
Missæ;
3. Sacramenti etiam Confirmationis, &  
Consecrationis altarium;
4. Item consecrationem Sacramentalem mi-  
nistrorum Ecclesiasticorum;
5. Monachorum quoque benedictionem, &  
per solennes ritus velut inter res sacras assumptionem;
6. Solennes præterea sepultura ritus, cum  
officio ac Sacrificio & oratione pro defunctis;
7. Baptismi etiam parvulorum traditio-  
nem;
8. B. Dionysium vidisse Apostolos, & esse  
illum ipsum, cuius meminit Lucas in Actu.
9. Eius martyrium in Gallis, veneratio &  
miracule ad Reliquias ejus facta notantur.

**D**IONYSIUS Areopagita, Beati  
Pauli Apostoli discipulus,  
Martyrque inclytus, quem ipse  
Paulus ad Christianam fidem cō-  
vertit (ut Lucas in Actis Aposto-  
lorum testatur) in libro de Eccle-  
siastica Hierarchia ad Timotheum  
scripto, luculentissime explicat  
venerabilis ritus, qui ex Apосто-  
lorum traditione illis temporibus  
observabantur in Ecclesiasticis  
ac sacris rebus. In cujus libri ini-  
tium ita de Apostolis, primis duci-  
bus Sacerdotalibus functionis,  
scribit: *Primi illi Sacerdotalis  
muneris duces, cum ex summa su-  
per substantialiq; Deitate sancti mu-  
neris plenitudinem percepissent, &  
id ipsum deinceps proferre & propa-  
gare à divina bonitate missi essent,  
ipsiq; (ut qui transissent in Deum)*

posteris ad divina provehere affa-  
rim cuperent, visibilibus signis cæle-  
stia Sacramenta texerunt. Ac pau-  
lò post: *Summa illa & supersub-  
stantialia partim scriptis, partim  
non scriptis institutionibus suis no-  
bis tradiderunt. Et infra alloqui-  
tur Timotheum his verbis: Emi-  
nentissimam Pontificalis muneris  
rationem nemini tradas, præterquã  
aqualibus tuis Reverendissimis Præ-  
sulibus, qui sacra tractant ac perfici-  
unt. Hæc Dionysius. At hære-  
tici nunc præcellentissimum mu-  
nus Ordinem Sacerdotalem con-  
temnunt atque conculcant. Qua-  
propter ipsi quidem videntur esse  
canes & porci illi, quos Christus  
in Evangelio designavit, dicens:  
*Notite dare sanctum canibus, neque  
mittatis margaritas vestras ante  
porcos, ne fortè conculcent eas pe-  
dibus suis.**

Postquam Dionysius in eodem  
libro pulcherrimè exposuit ritus  
sanctissimi Baptismatis, tractat  
de ritibus conficiendæ Euchari-  
stia, id est, de ritibus illius cæle-  
stis Sacrificii, in quo Sacerdos  
juxta institutionem Christi pro-  
ferens hæc verba, *Hoc est Corpus  
meum, Hic est calix Sanguinis mei,*  
&c. ipsam sacrosanctam & augu-  
stissimam Eucharistiam conficit.  
Loquitur ergo Dionysius in hunc  
modum: *Opera pretium est illam  
(videlicet Eucharistiam) expone-  
re, & eius veluti corporalia linea-  
menta describere: tum verò ubi eam  
ex auctoritate Scriptura Sacerdota-  
liq; institutione didicerimus, ad il-*

Gggg 3

lius

Facula  
 Hæretico-  
 rum.  
 Oratio  
 ad alta-  
 re,  
 Thurifi-  
 catio,  
 Introitu  
 ex Psal-  
 mis,  
 Epistola  
 & Evan-  
 gelium,  
 Assisten-  
 tia mini-  
 strorum,  
 Offeren-  
 tium,  
 Saluta-  
 tionis &  
 pacis pre-  
 cationes,  
 Ablutio,  
 Canon  
 Missæ &  
 Consecra-  
 tio,  
 Eleva-  
 tio,  
 Commu-  
 nio,  
 Missa est.

lius contemplandam sacratissimam  
 dignitatem divino spiritu subvehi.  
 Et paucis interjectis addit: Itaque  
 Pontifex quidem, ubi orationem  
 sanctam supra divinum altare per-  
 egit, ex ipso incensum adolere in-  
 choans, omnem fani ambitum cir-  
 cuit. Demum ad sanctum altare  
 iterum rediens, Psalmorum incipit  
 melos, concinentibus secum sacra  
 carmina omnibus Ecclesiastici ordi-  
 nis gradibus. Deinde ministrorum  
 officio lectio sanctarum Scriptura-  
 rum suo ordine recitatur. Porro mi-  
 nistrorum alii quidem pro clausis  
 templi foribus adstant, alii proprii  
 aliquid muneris agunt. Qui vero  
 ipsius ordinis precipui sunt, una cum  
 Sacerdotibus sanctum panem & be-  
 nedictionis calicem sacrosanctis al-  
 taribus imponunt. Ad hoc veneran-  
 dus Antistes orationem sanctissimam  
 peragens, pacem sanctam omnibus  
 nuntiat: & cum se murum omnes salu-  
 taverint, mystica sanctorum recita-  
 tio fit. Ubi vero manus tum Anti-  
 stes, tum Sacerdotes aqua laverunt,  
 Pontifex ad medium divini assistit  
 altaris: circumstant autem soli cum  
 Sacerdotibus electi quique ex mini-  
 strorum numero. At vero Pontifex  
 cum divina munera laude profecus  
 fuerit, sacrosancta & augustissi-  
 ma Mystera conficit: & qua ante  
 laudaverat venerandis operata &  
 abdita signis, in conspectum agit, di-  
 vinaque munera reverenter osten-  
 dens, ad sacramentorum Communio-  
 nem & ipse convertitur, & reliquos  
 ut communicent hortatur. Sumpta  
 demum atque omnibus tradita Com-

munionem gratias referens, sinem my-  
 steris imponit. His verbis Dio-  
 nyssii evidenter confutantur hære-  
 tici temporis nostri, qui sanctissi-  
 mum Missæ Sacrificium modis,  
 quibus possunt, impugnant. Vi-  
 demus certe ex hoc loco, quam  
 magnificis præclarisque cærimo-  
 niis ipsa Liturgia seu Missa olim  
 peragebatur, & Eucharistia con-  
 secrabatur ab Episcopo vel Sacer-  
 dote; neque enim aliquis alius  
 eam conficere potest. Nemo au-  
 tem consecratur Episcopus, nisi sit  
 Sacerdos: & nullus est Sacerdos  
 (ut idem Dionysius ait) nisi ab  
 Episcopo ad id muneris pinotus  
 atque consecratus fuerit. Ipse Dio-  
 nyssius postea luculenter expri-  
 mit, quid mysterio Eucharistico  
 contineri credat, orans ita: O vi-  
 num penitus, sanctumque myste-  
 rium, operimenta signorum tibi ob-  
 ducta dignanter aperiens, nobis pa-  
 lam atque aperte lucece, nostrisque  
 spirituales oculos singulari claroque  
 tua lucis fulgore imple.

Ubi jam in eodem libro Dio-  
 nyssius disseruit de ritu quo Epi-  
 scopus sanctum Chrisma sive un-  
 guentum conficiebat atque con-  
 secrabat; continuo addit hæc ver-  
 ba: Eo utitur ad omnem ferme Sa-  
 cerdotalis officii functionem. Et in-  
 fra: Sacrosanctum mysterium (Un-  
 guenti) quod nunc laudatur a no-  
 bis, ejus ordinis atque virtutis est,  
 ut Sacerdotalia cuncta perficiat.  
 Atque ideo sancti præceptores nostri  
 (Apostoli) stud quasi aequali ordi-  
 ne atque officio continere sacro Sy-  
 naxeos

Cap. 11

3.

 Ad hæc  
 Confirmatio  
 tionis Se-  
 cramentum,  
 seu  
 Chrisma-  
 tu ad con-  
 ferendum  
 Spiritum  
 sanctum  
 Cap. 41

Facula naxeos (sive Eucharistia) mysterio. <sup>Facula</sup> <sup>Hæreticorum.</sup> Ac postea: *Ei, qui sacratissimo regenerationis (id est Baptismi) mysterio consecratur, consummans, unguenti inunctio adventum Spiritus sancti largiunt.* Et paulò post: *Hoc item sacratius adverte, quòd sanctissimorum mysteriorum lex divini altaris consecrationem castissimis infusionibus sacratissimi Unguenti perficit.* Hæcibi. Hæretici verò temporis nostri sacrò hoc Chrismata rejiciunt, altarium ac Bablicarum consecrationi illudunt, omniaque in Ecclesia Dei sceleratissimè profanant. Certè in veteri <sup>Consecratio altarium per sacri olei inunctionem.</sup> <sup>Exod. 30</sup> *Legem nos hæc verba legimus: Locutus est Dominus ad Moysen, dicens: Sume tibi aromata, prima myrrha & electa quingentos siclos, & cinnamomi medium, id est, ducentos quinquaginta, casse autem quingentos siclos, in pondere sanctuarii, olei de olivetis mensuram hin: faciesque unctiois oleum sanctum, unguentum compositum opere Unguentarii, & unges ex eo tabernaculum testimonii, & arcam testamenti, mensamque cum vasis suis, candelabrum & utensilia eius, altaria thymiamatis & holocausti, & universam supellectilem, que ad cultum eorum pertinet. Sanctificabisque omnia, & erunt sancta sanctorum: qui tetigerit ea, sanctificabitur. Aaron & filios eius unges, sanctificabisque eos, ut sacerdotio fungantur minister, &c. Item alio loco: Tulit Moyses unctiois oleum, quo linxit tabernaculum cum omni supellectili sua. Cumque sanctificans aspersis-*

*set altare, septem vicibus, unxit illud, & omnia vasa eius, labrumque cum basi sua sanctificavit oleo. Quòd fundens super caput Aaron, unxit eum, & consecravit, &c.* Beatus Fabianus, decimus nonus Pontifex Romanus ac Martyr venerandus, in secunda Epistola sua quam scripsit ad omnes Episcopos Orientales, ita de Chrismate loquitur: *Dominus IESUS, postquam cœnavit cum discipulis suis, & lavit pedes eorum (sicut à sanctis Apostolis prædecessores nostri acceperunt, nobisque reliquerunt) Chrismata conficere docuit. Ipsa enim lavatio pedum nostrum sanctificat Baptismum, quando sancti Chrismatis unctioe perficitur & confirmatur, &c.*

Postea in illo ipso libro Dionysius describens ritus, qui juxta Apostolorum doctrinam servabantur in consecratione Pontificum sive Episcoporum, & Sacerdotum atque ministrorum, ait: *Præsul, ubi sacrandus offertur, utroque genu posito ante altare, habet supra caput Evangelia à Deo tradita, manumque Pontificis: atque hoc modo à consecrante Pontifice castissimis imprecationibus consummatur. Sacerdos verò coram sancto altari ponens utrumque genu, incipit habet Pontificis dexteram: & in hunc modum à sacrande Præsule, sanctissimis invocationibus consecratur. At verò minister aliter tantum coram sanctis Altaribus posito genu, sacrandis se Pontificis dexteram in capite præfert, atque ab eo perficitur*

<sup>Fabiani de sacro Chrismate Jensen 116.</sup>

<sup>Ioan. 13.</sup>

<sup>4. Ordinaris sacrorum ministrorum altaris, ex S. Dionysio. Cap. 5.</sup>

<sup>\* Diaconus Græcè, minister Latine dicitur.</sup>

preca-

Facula  
Hæreti-  
corum,  
citur;  
sub quo  
est Hy-  
podia-  
nus, aut  
Subdia-  
conus,  
ac si di-  
cas sub-  
mini-  
ster.

precationibus ad eam rem accom-  
modatis. Cuilibet autem ipsorum à  
benedicente Pontifice, signum Cru-  
cis imprimitur, &c. Heu! quantâ  
dementiâ nunc depravati sunt  
hæretici, qui sacrum Ordinem in  
Ecclesia Dei evertere nituntur, &  
profano ore dicunt, nihil esse di-  
scriminis inter eos qui sacris ini-  
tati sunt, & laicos. Beatus Pau-  
lus Apostolus scribens ipsi Timo-  
theo Episcopo, cui Dionysius li-  
brum suum de Ecclesiastica hie-  
rarchia dedicavit, hæc verba de  
consecratione jamjam comme-  
morata ac manus impositione di-  
cit: *Manuscito nemini imposueris.*  
Si serîo considerarent hæretici,  
quàm solemnes cærimonias Deus  
etiam sub veteri Lege (quæ um-  
bram figuræque exhibebat) ob-  
servari voluerit in consecratione  
Aaron Sacerdotis, & filiorum e-  
jus ac Levitarum; non irrisderent  
consecrationem Sacerdotum no-  
væ Evangelicæque Legis, qui  
adorandam Eucharistiam confi-  
ciunt & tractant, sacrasque fun-  
ctiones obeunt; non insultarent  
consecrationi ministrorum Ec-  
clesiæ sanctæ, sed eam laudarent  
atque honore prosequerentur.

5.  
Monachi  
tempori-  
bus Apo-  
stolorum  
consecra-  
bantur,  
ut ex S.  
Dionysio  
discitur.  
Cap. 6.  
Divi

De ritibus quibus Monachus  
consecratur, ipse sacer Diony-  
sius in eodem Hierarchiæ Eccle-  
siasticæ libro ita inter alia loqui-  
tur: *Sacerdos ad eum accedens, in-  
terrogat primum an renuniet divi-  
sibilibus \* omnibus; deinde expo-  
nit illi perfectissimam vitam. Ubi  
verò ille omnia intente promiserit,*

consignans eum Crucis signo, Sacer-  
dos condet, irinas divina Beatiudi-  
nis personas inclamans, exutumq;  
veste omni, aliam induit; & cum  
sanctis aliis qui adstant viris ipsum  
salutans, divinorum mysteriorum  
participem facit. Et paulò supra  
de ipsis Monachis sic scribit idem  
Dionysius: *Sancti præceptores no-  
stri (scilicet Apostoli) divinis eos  
appellationibus sunt persecuti, par-  
tim Therapeutas (id est cultores)  
à sincero Dei famulatu atque cultu,  
partim Monachos, ab individua &  
singulari vita appellantes.* Ex his  
Dionysii verbis liquet, Monacha-  
tum non esse novitium institu-  
tum, ut modò garrunt hæretici.  
Quin etiam sub veteri Lege fue-  
runt Nazaræi, qui se voto emisso  
consecrabant Deo, ut in libro Nu-  
merorum habetur, Qui vult ple-  
nius cognoscere conversationem  
& mores virorum ac feminarum,  
qui in primitiva Ecclesia sese mo-  
nasticæ vitæ addicebant, legat li-  
brum Philonis (is etiam tempore  
Apostolorum vixit) de Vita con-  
templatiæ, sive de Supplicibus;  
ex quo nonnulla deprompserunt,  
atque in suis historiis posuerunt  
Eusebius Cæsariensis, & Nice-  
phorus Callistus.

6.  
Sepul-  
ra fidelium  
eum Sa-  
crificio,  
psalmo-  
dia & o-  
ratione  
pro ani-  
mabus si-  
delium  
maritum

Porro de cæimoniis, & riti-  
bus, quibus exequiæ fidelis de-  
functi celebrabantur, Dionysius  
in prædicto Hierarchiæ Ecclesia-  
sticæ libro loquitur hunc in mo-  
dum: *Sumentes defunctum ad Pon-  
tificem ducunt, quasi coronis donan-  
dum sacris. Hunc ille libenter sus-  
cipit.*

Pacula  
Hæreti-  
corum.  
rum, 3.  
Dionysio  
ante fuit  
Cap. 7.

capit, atq; peragit quæ divino insti-  
tuto sunt super eos qui sanctè quie-  
sunt. Coacto sancto cœtu veneran-  
dus Antistes, (siquidem Sacerdota-  
lis ordinis fuerat qui obdormivit)  
ante sanctum altare inclinans eum,  
orationem ad Deum inchoat & gra-  
tiarum actionem: si autem honestis-  
simis Monachis aut sancte plebi in-  
sertus erat, ipsum ad venerandum  
sacrarium ante Sacerdotum reclina-  
nat ingressum; deinde precem cum  
gratiarum actione peragit Presul.  
Deinceps verò ministri verissima de  
nostræ resurrectione promissa, quæ di-  
vinis inserta sunt eloquiis, recitan-  
tes, consentanea tantundemq; va-  
lencia canunt Psalmodum cantica.  
Postea accedens venerabilis Presul,  
precem super defuncto sacratissimã  
peragit; & post orationem ipse quo-  
que Pontifex defunctum salutat, &  
post illũ qui adstant omnes. Vbi verò  
cuncti consalutauerunt, super defun-  
cto fundit oleum Pontifex: & oratio-  
ne pro omnibus (defunctis) facta,  
honesto in loco ponit corpus cum æ-  
qualibus aliis corporibus sanctis. Et  
postea addit idem Dionysius: Pre-  
catur oratio illa (Pontificis) divi-  
nam clementiam, ut cuncta dimit-  
tat per infirmitatem humanam ad-  
missa peccata defuncto, eumq; in lu-  
ce statuat & regione vivorum, in si-  
nibus Abrahæ, Isaac & Jacob, in  
loco unde aufugit dolor & tristitia  
& gemitus. Itemque infra, Qua-  
nam, inquit, de huiusmodi prece,  
quam super defuncto peragit Pre-  
sul, ex divinis ducibus nostris (vi-  
delicet Apostolis) traditio perve-

nit ad nos, operæ pretium est ut dica-  
mus, &c. Quid ad ista Dionysij  
verba respondebunt seducti & se-  
ductores hæretici, qui passim cla-  
mitant non esse orandum pro fi-  
delibus defunctis?

In fine eiusdem libri Dionysius  
dicit, pueros & infantes admitti  
ad Baptismum ex Apostolorum  
traditione. Sed modò quidam  
vecordes homines asserere audent  
quòd pueri non debeant bap-  
tizari, quodq; consuetudo eos bap-  
tizandi primùm cœperit tempo-  
re Nicolai Papæ huius nominis  
Primi. Quòd si hæretici ætatis  
nostræ, deposita superbiam, se-  
rio legerent ea quæ toto libro  
de Hierarchiâ Ecclesiasticâ scribit  
Dionysius; proculdubio abijce-  
rent hæresim, & idem cum Ec-  
clesiâ Catholicâ sentirent. Ibi  
discerent, non solum illa esse ve-  
neratione digna, in Canonicis  
expressa sunt libris; sed etiam il-  
la, quæ ex Apostolorum sancto-  
rumque Patrum traditione no-  
bis sine scripto commendata  
sunt.

Verum ne quis imperitus putet,  
præclarum hunc virum non vi-  
disse Apostolos, & non esse il-  
lum Dionysium, cuius men-  
tionem Lucas in Actis Apostolo-  
rum facit, adhuc vnum ex mo-  
numentis ipsius proferemus testi-  
monium, quo convincemus eum  
non solum vidisse Apostolos, sed  
etiam interfuisse sanctæ obdor-  
mitioni beatissimæ Deiparæ vir-  
ginis Mariæ. Nam in libro de

7.  
Traditio  
de Bap-  
tismo par-  
vulorum  
ex Dionysio.  
Cap. 79

8.  
Dionysius  
hic  
est Arcopagita  
ille, de  
quo in A-  
ctibus A-  
postolorum  
Cap. 179

H h h h

Di-

Facula  
Hæreti-  
corum.

Diuinis nominibus, alloquens  
sanctum Timotheum cui scribit,  
hæc dicit: *Apud ipsos diuino spiri-*

cap. 3. *tu plenos Pontifices nostros (Apolto-*  
*los) cum & nos, ut nosti, & pleriq;*  
*ex sanctis fratribus nostris ad con-*  
*ueniendum corpus illud, quod Aucto-*

\*B. Vir-  
go Ma-  
ria cor-  
pore  
Christi in  
suo ma-  
terno  
velut in  
hospi-  
tio ex-  
cepit.  
Vindices  
& asser-  
tores Ope-  
rum Dio-  
nyssiacorum.

*rem vite Deumq; \* ceperat, conue-*  
*nissimus (aderat autem & frater*  
*Domini Jacobus, & Petrus supre-*  
*mmum decus antiquissimumq; Theo-*  
*logorum columen) post contuitum*  
*placuit ut, &c. Ipse idem Dio-*  
*nysius edidit aliquot Epistolas*  
*insignes, inter quas vna scripta*  
*est ad S. Ioannem Apostolum &*  
*Euangelistam. Si quispiam de his*  
*ambigit, legat Georgium Pachy-*  
*meram, & Maximum Monachum,*  
*eximios vetustosq; ejusdem Dio-*  
*nyssij commentatores: legat etiam*  
*encomium quod Michaël Syngel-*  
*lus Presbyter Jerosolymitanus in*  
*ipsam Areopagitam edidit: legat*  
*item Nicephorum Callistum le-*  
*cundo libro Historiæ Ecclesiasti-*  
*cæ: videat & quid Suidas in suis*  
*Collectaneis de hoc Dionysio &*  
*ejus lucubrationibus, ac phrasi*  
*eminentissimâ, styloque singula-*

Stylus e-  
jus maje-  
state ple-  
nissimus.

*ri scribat. Qui quidem stylus ple-*  
*nus admirandæ majestatis in om-*  
*nibus illius libris atque epistolis*  
*idem est, & ubique clarissimè o-*  
*stendit, quàm auctor sit diuinus.*  
*In epistola ad Polycarpum dicit*  
*se cum Apollophane in Ægypto*  
*apud Heliopolim fuisse, quando*  
*tempore passionis Dominicæ Sol*

Vidi et-  
iam plim so-  
nysium Areopagitam in suis scri-

ptis Origenes, Athanasius, Aga-  
tho Summus Pontifex, & alii Pa-  
tres antiqui. Nonnulli parum  
cordati parumque Catholici Scri-  
ptores, quibus traditiones Apo-  
stolicæ & sancta ecclesia Dei in-  
stituta ac cærimonie displice-  
bant, temerè & impudenter asse-  
runt, istum \* Dionysium non esse  
auctorem eorum librorum, quos tã  
Græci quàm Latini Patres Ortho-  
doxi semper illi absque aliqua  
dubitatione attribuerunt: sed ad  
hujusmodi hominum vanissimas  
objectiones atque calumnias jam  
abundè respòdit Godefridus Til-  
mannus Carthusianus, vir egre-  
giè doctus, in Præfatione quam  
præfixit Paraphrasi Georgij Pa-  
chymæ, in decem epistolas ip-  
sius Areopagytæ, à se Latio do-  
natæ.

Passionem ejusdè Dionysii Græ-  
cè conscriptam, Joachimus Perio-  
nius Latine reddidit. In qua ubi  
narratum est, uti ipse Dionysius  
in Gallias à beato Clemente Sum-  
mo Pontifice missus, tandem pro  
fide Christiana glorioso martyrio  
mortem devicerit, & ut Catulla  
nobilis femina Rustici & Eleu-  
therii sociorum Dionysii sacra  
corpora capitibus truncata astute  
surriperit, ne in flumen ab im-

† Post Blossium satis superque emer-  
serunt illustres sanè vindices Operum san-  
cti Dionysii, atque adeo rerum ad ejus vi-  
tam, mortem & sacras Reliquias spectanti-  
um; quos si Lector videre desiderat, inueniet in  
Disputatione Apologetica, quam Operibus  
S. Dionysii à se editis & illustratis præfi-  
xit R. P. Petrus Lanfelius.

piis

Facula  
Hæreti-  
corum.

piis deficerentur, hæc verba adiuncta sunt: *Eam* (scilicet *Catullam*) credimus beatorum Martyrum ossa servasse prudenti consilio, ut qua ess digna fuerit, atque illorum precibus verè in fide progressus fecerit. Christianorum autem multitudine, qua erat quasi civitas, doctrinâ beatorum Martyrum conversâ, omni operâ & studio, ut poterat, cum precibus magnâq; cupiditate supra beata corpora sanctorum Martyrum templum edificavit. Et paulò post miracula, quæ in eo loco per sanctos Martyres eduntur, expressa sunt his verbis: *Aegrotis salutem, claudis incessum, cæcis lumen, surdis auditum, & mutis sermonem. Martyres dantes, immundosq; spiritus qui in corporibus insident exagitant, assiduè remedia afferunt. Nos quoque, etsi deserti & indigni, faciamus ut in illorum meritis sit nobis auxilium & presidium constitutum.* Hæc ibi. Mirum sanè est, hæreticos huius temporis ista de Sanctis legentes non pudeferi: nam & hinc cognoscere possunt, quàm stultè atque impiè asserant ipsos Sanctos post mortem nihil posse, eosque à fidelibus non esse invocandos aut honorandos.

## CAPUT V.

Ex scriptis S. Ignatii & aliorum.

1. S. Ignatius clarissimè verbis docet varietatem sacrorum Ordinum in Ecclesia, & Sacrificium quotidianum altaris;
2. Obedientiam præstandam Episcopis, etiam ab ipsis Regibus & Imperatoribus;
3. Observationem dierum Festorum, & jejuniis Quadragesimalis;

4. Traditiones Apostolicas & Ecclesiasticas;
5. Auctor fuit cantus Ecclesiastici, qui æternam per choros celebratur in Ecclesia.
6. Testimonium S. Polycarpi de Epistola S. Ignatii.
7. Martyrium & veneratio Reliquiarum S. Ignatii.
8. Item S. Polycarpi.

**F**ERVENS ille & verè ignitus Martyr Dei Ignatius, sancti Joannis Apostoli discipulus, qui post Evodium Ecclesiam Antiochenam rexit (Evodius enim à beato Petro Apostolo, Romam contendente, Episcopus ibi constitutus fuerat) in epistola sua ad ad Ephesios ita loquitur de obedientia Præpositis Ecclesia præstanda, & de cælesti pane Eucharistiæ: *Præcunte ac deducente vos Paraclero, obedite Episcopo atque Presbyterorum cœtui indivulso animo, unum panem frangentes, quod est medicamentum immortalitatis, antidotum ne moriamini, sed vivatis in Deo per IESUM Christum.* Item in Epistola scripta ad Romanos, ait: *Non mihi placet cibus corruptionis, neq; voluptates vite huius. Panem Dei volo, panem celestem, panem vite, quod est caro Christi Filii Dei, qui natus est tandem de semine David & Abrahæ.* Et in Epistola ad Philadelphenses, *Una, inquit, fide, una prædicatione, & una Eucharistia utamini.* Ac paulò post: *Unus ingenuus DEUS & Pater: & unus unigenitus Filius, Deus Verbum & homo, & unus Paracletus, Spiritus veritatis: una quoque prædicatione, & fides una, & Baptisma unum, & una Ecclesia,*

I.  
S. Ignatius  
Joannis  
Evodii  
Antiocheni  
Episcopi  
discipuli  
auditor.

Ejus clarissima  
confessio  
de varietate  
Sanctorum  
Ordinum,  
& sacrificio  
altaris.

Hhhh 2

quam